

4. Et non parcer oculus meus super te, & non miserebor: sed vias tuas ponam super te, & abominationes tuæ in medio tui erunt: & scietis quia ego Dominus.

5. Hæc dicit Dominus Deus: Afflictio una, afflictio ecce venit.

6. finis venit, venit finis, evigilavit adversum te: ecce venit.

7. Venit contritio super te, qui hábitas in terra: venit tempus, prope est dies occisionis, & non gloriæ montium.

8. Nunc de propinquo effundam iram meam super te, & complebo furorem meum in te: & iudicabo te iuxta vias tuas, & imponam tibi omnia scelerata tua:

9. Et non parcer oculus meus, nec miserebor, sed vias tuas imponam tibi, & abominationes tuæ in medio tui erunt: & scietis quia ego sum Dominus percutiens.

10. Ecce dies, ecce venit: egressa est contritio, floruit virga, germinavit superbia:

11. Iniquitas surrexit in virga impietas: non ex eis, & non ex populo, neque ex sonitu eorum: & non erit requies in eis.

12. Venit tempus, appropinquavit dies: qui emit, non letetur: & qui vendit, non lugeat: quia ira super omnem populum eius.

13. Quia qui vendit, ad id, quod vendidit, non revertetur, & adhuc in viventibus vita eorum. visio enim ad omnem multitudinem eius non regredietur: & vir in iniquitate vitæ suæ non confortabitur.

14. Canite tubâ, parentur omnes, & non est qui vadat ad prælium: ira enim mea super universum populum eius.

15. Gladius foris: & pestis, & famæ intrinsecus: qui in agro est, gladio morietur: & qui in civitate, pestilentia, & fame devorabuntur.

16. Et salvabuntur qui fugerint ex eis: & erunt in montibus quasi columbae convallium omnes trepidi, unusquisque in iniquitate sua.

17. Omnes manus dissolventur, & omnia genua fluent aquis.

* Ios. 15. 18. * Et accingit se cilicis, & operiet eos formido, & in omni facie confusio, & in universis capitibus eorum calvitiuum.

37. 19. Argentum eorum foras projicietur, & aurum eorum in sterquilinium erit. * Argentum eorum, & aurum eorum non valabit liberare eos in die furoris Domini.

Animam suam non saturabunt, & ventres eorum non implebuntur: quia scandalum iniquitatis eorum factum est.

20. Et ornamentum moniliū suorum in superbiam posuerunt, & imagines abominationum suarum, & simulachrorum fecerunt ex eo: propter hoc dedi eis illud in immunditiam:

21. & dabo illud in manus alienorum ad diripiendum, & impiis terræ in prædam, & contaminabunt illud.

22. Et avertam faciem meam ab eis, & violabunt arcanum meum: & introibunt in illud emissarii, & contaminabunt illud.

23. Fac conclusionem: quoniam terra plena est iudicio sanguinum, & civitas plena iniquitate.

24. Et adducam pessimos de Gentibus, & possidebunt domos eorum. & quiesceré faciam superbiam potentium, & possidebunt sanctuaria eorum.

25. Angustiæ superveniente, requirent pacem, & non erit.

26. Conturbatio super conturbationem veniet, & auditus super auditum: & querent visionem de propheta, & lex peribit à sacerdote, & consilium à senioribus.

27. Rex lugebit, & princeps induetur mortore, & manus populi terræ conturbabuntur. Secundum viam eorum faciam eis, & secundum iudicia eorum iudicabo eos: & scient quia ego Dominus.

C A P U T VIII.

Ezechiel post visam Dei similitudinem, spiritu raptus in Ierusalem, videt pessimas Iudeorum idolatrias sub variis figuris: quare dicit Dominus se eis non parciturum, nec orationes exauditurum.

1. **E**T factum est in anno sexto, in Eodem ann. 3410. sexto mense, in quinta mensis: ego sedebam in domo mea, & senes Iuda sedebant coram me, & cecidit ibi super me manus Domini Dei.

2. Et vidi, & ecce similitudo quasi aspectus ignis: ab aspectu lumborum eius, & deorsum, ignis: & à lumbis eius, & sursum, quasi aspectus splendoris, ut visio electri.

3. * Et emissæ similitudo manus apprehendit me in cincinno capitib[us] mei: & elevavit me Spiritus inter terram, & cælum: & adduxit me in Ierusalem in visione Dei,

iuxta ostium interius, quod respiciebat ad Aquilonem, ubi erat statutum idolum zeli * ad provocandam emulationem.

4. Et provocans. Idolum Baal intelligit, quod in templo exercerat Manasses. 2. Par. 33. 7. Abiit Iosias. Ibid. c. 34. Reponitur Joachim vel Sedecias. Ibid. c. 36. 14.

* i. iram nationem

4. Et provocans. Idolum Baal intelligit, quod in templo exercerat Manasses. 2. Par. 33. 7. Abiit Iosias. Ibid. c. 34. Reponitur Joachim vel Sedecias. Ibid. c. 36. 14.

4. Et ecce ibi gloria Dei Israël secundum visionem, quam videram in campo.

5. Et dixit ad me: Fili hominis, leva oculos tuos ad viam Aquilonis. Et levavi oculos meos ad viam Aquilonis: & ecce ab Aquilone portæ altaris idolum zeli in ipso introiit.

6. Et dixit ad me: Fili hominis, putane, vides tu quid isti faciunt, abominationes magnas, quas domus Israël facit h[ic], ut procul recedam à sanctuario meo? & adhuc conversus videbis abominationes maiores.

7. Et introduxit me ad ostium atrij: & vidi, & ecce foramen unum in pariete.

8. Et dixit ad me: Fili hominis fode parietem. Et cum fodisse parietem, apparuit ostium unum.

9. Et dixit ad me: Ingredere, & vide abominationes pessimas, quas isti faciunt h[ic].

10. Et ingressus vidi, & ecce omnis similitudo reptilium, & animalium, abominatione, & universa idola domus Israël depicta erant in pariete in circuitu per totum.

11. Et septuaginta viri de senioribus domus Israël, & Iezonias filius Saphan stabant in medio eorum, stantum ante picturas: & unusquisque habebat thuribulum in manu sua: & vapor nebulae de thure confusgebatur.

12. Et dixit ad me: Certè vides filii hominis quæ seniores domus Israël faciunt in tenebris, unusquisque in abscondito cubiculi sui: dicunt enim: Non videt Dominus nos, dereliquit Dominus terram.

13. Et dixit ad me: Adhuc conversus videbis abominationes maiores, quas isti faciunt.

14. Et introduxit me per ostium portæ domus Domini, quod respiciebat ad Aquilonem: & ecce ibi mulieres sedebant planentes Adónidem.

15. Et dixit ad me: Certè vidisti filii hominis: adhuc conversus videbis abominationes maiores his.

16. Et introduxit me in atrium domus Domini interius: & ecce in ostio templi Domini inter vestibulum & altare, quasi vigintiquinque viri dorsa habentes contra templum Domini, & facies ad Orientem: & adorabant ad ortum Solis.

17. Et dixit ad me: Certè vidisti filii hominis: numquid leve est hoc domui Iuda ut facerent abominationes istas, quas fecerunt h[ic]: quia replete terram ini-

quitate conversi sunt ad irritandum me? & ecce applicant ramum ad nares suas.

18. Ergo & ego faciam in furore: non parcer oculus meus, nec miserebor: & cum clamaverint ad aures meas voca magna, non exaudiam eos.

C A P U T IX.

Apparentes sex viri iubentur omnes in Ierusalem trucidare, qui à viro lineis vestito non sunt signo Thau notati: quo facto Dominus exclamanti prophetæ respondet id futurum, exigentibus ipsorum criminibus.

1. **E**T clamavit in auribus meis voce magna, dicens: Appropinquaverunt visitationes urb[is], & unusquisque vas interfectionis habet in manu sua. Eodem ann. 3410.

2. Et ecce sex viri veniebant de via portæ superioris, quæ respicit ad Aquilonem: & uniuscuiusque vas interitus in manu eius: vir quoque unus in medio eorum vestitus erat lineis, & atramentarium scriptoris ad renes eius: & ingressi sunt, & steterunt iuxta altare æreum:

3. Et gloria Domini Israël assumpta est de cherub, quæ erat super eum ad limen domus: & vocavit virum, qui indutus erat lineis, & atramentarium scriptoris habebat in lumbis suis.

4. Et dixit Dominus ad eum: Transper medianam civitatem in medio Ierusalem: * & signa thau super frontes virorum geometrium, & dolentium super cunctis abominationibus, quæ fiunt in medio eius. *Exod. 12. Apoc. 7. 3.

5. Et illis dixit, audiente me: Transite per civitatem sequentes eum, & percutite: non parcat oculus vester, neque miserearmini.

6. Senem, adolescentulum, & virginem, parvulum, & mulieres interficie usque ad internectionem: omnem autem, super quem videritis thau, ne occidatis, & à sanctuario meo incipite. Cœperunt ergo à viris senioribus, qui erant ante faciem domus.

7. Et dixit ad eos: Contaminate dominum, & implete atria interfictis: egredimini. Et egressi sunt, & percutiebant eos, qui erant in civitate.

8. Et cæde completâ, remansi ego: ruique super faciem meam, & clamans aio: Heu, heu, heu Domine Deus: ergone disperdes omnes reliquias Israël, effundens furorem tuum super Ierusalem?

9. Et dixit ad me: Iniquitas domus Israël, & Iuda, magna est nimis valde, & repleta est

Yyy est

est terra sanguinibus, & civitas repleta est aversione: dixerunt enim: Dereliquit Dominus terram, & Dominus non videt.

10. Igitur & meus non parcer oculus, neque miserebor: viam eorum super caput eorum reddam.

11. Et ecce vir, qui erat indutus lineis, qui habebat atramentarium in dorso suo, respondit verbum, dicens: Feci sicut præcepisti mihi.

C A P U T X.

Jubetur vir lineis vestitus accipere prunas ignis de medio rotarum, quæ sunt subtus cherubim, & super civitatem effundere: describitur visio Dei, cherubim, & quatuor rotarum.

Eodem
ann. 3410.

1. E T vidi, & ecce in firmamento, quod erat super caput cherubim, quasi lapis sapphirus, quasi species similitudinis solij, apparuit super ea.

2. Et dixit ad virum, qui indutus erat lineis, & ait: Ingredere in medio rotarum, quæ sunt subtus cherubim, & imple manus tuam prunis ignis, quæ sunt inter cherubim, & effunde super civitatem. Ingressusque est in conspectu meo:

3. cherubim autem stabant à dextris domūs cùm ingrederetur vir, & nubes impeditis atrium interius.

4. Et elevata est gloria Domini desuper cherub ad limen domūs: & repleta est domus nube, & atrium repletum est splendore gloriæ Domini.

5. Et sonitus alarum cherubim audiebatur usque ad atrium exterius, quasi vox Dei omnipotentis loquentis.

6. Cùmque præcepisset viro, qui indutus erat lineis, dicens: Sume ignem de medio rotarum, quæ sunt inter cherubim: ingressus ille stetit iuxta rotam.

7. Et extendit cherub manum de medio cherubim ad ignem, qui erat inter cherubim: & sumpsit, & dedit in manus eius, qui indutus erat lineis: qui accipiens egredens est.

8. Et apparuit in cherubim similitudo manus hominis subtus pennas eorum.

9. & vidi, & ecce quatuor rotæ iuxta cherubim: rotæ una iuxta cherub unum, & rotæ alia iuxta cherub unum: species autem rotarum erat quasi visio lapidis chrysolithi.

10. & aspectus earum similitudo una quatuor: quasi sit rotæ in medio rotæ.

11. Cùmque ambularent, in quatuor partes gradiebantur: & non reverteban-

tur ambulantes, sed ad locum, ad quem ire declinabat quæ prima erat, sequebantur & ceteræ, nec convertebantur.

12. Et omne corpus earum, & colla, & manus, & pennæ, & circuli plena erant oculis, in circuitu quatuor rotarum.

13. Et rotas istas vocavit volubiles, audente me.

14. Quatuor autem facies habebat unum: facies una, facies cherub: & facies secunda, facies hominis: & in tertio facies leonis: & in quarto facies aquilæ.

15. Et elevata sunt cherubim: ipsum est animal, quod videram iuxta fluvium Chobar.

16. Cùmque ambularent cherubim, ibant pariter & rotæ iuxta ea: & cùm eleverarent cherubim alas suas ut exaltarentur de terra, non residebant rotæ, sed & ipsæ iuxta erant.

17. Stantibus illis, stabant: & cum elevatis elevabantur spiritus enim vita erat in eis.

18. Et egressa est gloria Domini à limite templi: & stetit super cherubim.

19. Et elevantia cherubim alas suas, exaltata sunt à terra coram me: & illis egreditibus, rotæ quoque subsecutæ sunt: & stetit in introitu portæ domūs Domini orientalis: & gloria Dei Israël erat super ea.

20. Ipsum est animal, quod vidi subter Deum Israël * iuxta fluvium Chobar: & intellexi quia cherubim essent. ^{* Sup. 1.1. C. 3.}

21. Quatuor vultus uni, & quatuor alæ uni: & similitudo manus hominis sub alis eorum.

22. Et similitudo vultuum eorum, ipsi vultus quos videram iuxta fluvium Chobar, & intuitus eorum, & impetus singularium ante faciem suam ingredi.

C A P U T XI.

Adversus Iezzoniam & Pheltiam qui dicebant, pessimum tractantes consilium, Nonne dudum ædificatae sunt domus? hæc est lebes, nos autem carnes; vaticinatur illos & quotquot nolunt resistere puniendos: & prophetante Ezechiele mortuus est Pheltias: reliquias autem Israël dicit se reducturum in terram ipsorum, & daturum eis cor carneum, ut colant ac timeant Dominum.

1. E T elevavit me spiritus, & introduxit me ad portam domūs Domini orientalem, quæ respicit ad solis

Eodem
ann. 3410.

or-

ortum: & ecce in introitu portæ viginti quinque viri: & vidi in medio eorum Iezzoniam filium Azur, & Pheltiam filium Banaïæ, principes populi.

2. Dixitque ad me: Fili hominis, hi sunt viri, qui cogitant iniquitatem, & tractant consilium pessimum in urbe ista,

3. dicentes: Nonne dudum ædificatae sunt domus? hæc est lebes, nos autem carnes.

4. Idcirco vaticinare de eis, vaticinare fili hominis.

5. Et irruit in me spiritus Domini, & dixit ad me: Lóquere: Hæc dicit Dominus: Sic locuti estis domus Israël, & cogitationes cordis vestri ego novi.

6. Plurimos occidistis in urbe hac, & impletis vias eius interfectis.

7. Propterea hæc dicit Dominus Deus: Interfecti vestri, quos posuistis in medio eius, hi sunt carnes, & hæc est lebes: & educam vos de medio eius.

8. Gladium metuistis, & gladium inducam super vos, ait Dominus Deus.

9. Et ejiciam vos de medio eius, daboque vos in manu hostium, & faciam in vobis iudicia.

10. Gladio cadetis: in finibus Israël iudicabo vos, & sciatis quia ego Dominus.

11. Hæc non erit vobis in labétem, & vos non éritis in medio eius in carnes: in finibus Israël iudicabo vos.

12. Et scietis quia ego Dominus: quia in præceptis meis non ambulastis, & iudicia mea non fecistis, sed iuxta iudicia Gentium, quæ in circuitu vestro sunt, estis operati.

13. Et factum est, cùm prophetarem, Pheltias filius Banaïæ mortuus est: & cecidi in faciem meam clamans voce magna, & dixi: Heu, heu, heu Domine Deus: consummationem tu facis reliquiarum Israël?

14. Et factum est verbum Domini ad me, dicens:

15. Fili hominis, fratres tui, fratres tui, viri propinqui tui: & omnis domus Israël, universi, quibus dixerunt habitatores Ierusalem: Longè recedite à Domino, nobis data est terra in possessionem.

16. Propterea hæc dicit Dominus Deus, quia longè feci eos in Gentibus, & quia dispersi eos in terris: ero eis in sanctificationem modicam in terris, ad quas venerunt.

17. Propterea lóquere: Hæc dicit Dominus Deus: Congregabo vos de populis,

& adunabo de terris, in quibus dispersi estis, daboque vobis humum Israël.

18. Et ingredientur illuc, & auferent omnes offenditores, cunctaque abominationes eius de illa.

19. * Et dabo eis cor unum, & spiritum novum tribuam in visceribus eorum: ^{* Ier. 31. Inf. 36.26.}

& auferam cor lapideum de carne eorum, & dabo eis cor carneum:

20. ut in præceptis meis ambulent, &

iudicia mea custodiant, faciantque ea: & sint mili in populum, & ego sim eis in Deum.

21. Quorum cor post offendicula &

abominationes suas ambulat, horum viam in

capite suo ponam, dicit Dominus Deus.

22. Et elevaverunt cherubim alas suas,

& rotæ cum eis: & gloria Dei Israël erat

super ea.

23. Et ascendit gloria Domini de medio

civitatis, stetique super montem, qui est

ad Orientem urbis.

24. Et spiritus levavit me, adduxitque in Chaldaeam ad transmigrationem, in visione in spiritu Dei: & sublata est à me visio, quam videram.

25. Et locutus sum ad transmigrationem omnia verba Domini, quæ ostenderat mihi.

C A P U T XII.

Ezechiel suis factis portendit futuram Ierusalem & regis ipsius captivitatem, reliquis gladio, peste & fame in Ierusalem consumptis: offendit etiam visionem prophetarum non cassam futuram, nec in longum differendam.

1. E T factus est sermo Domini ad me, dicens: ^{Anno M. 3411.}

2. Fili hominis in medio domūs exasperantis tu hábitas: qui oculos habent ad videndum, & non vident: & aures ad audiendum, & non audiunt: quia domus exasperans est.

3. Tu ergo fili hominis, fac tibi vas transmigrationis, & transmigrabis per diem coram eis: transmigrabis autem de loco tuo ad locum alterum in conspectu eorum, si forte aspiciant: quia domus exasperans est.

4. Et éfferes foras vas tua quasi vas transmigrans per diem in conspectu eorum: tu autem egredieris vespere coram eis, sicut egreditur migrans.

5. Ante oculos eorum pérfode tibi patrem: & egredieris per eum.

6. In conspectu eorum in humeris por-

ta-